

Idi oojai ooji Vuaana glaaduñi vaavoitudadami

1 ¹ Aana arVuaana vaavoitudadami tlaanadamigada daida ganoojidi aana aapima giñaaduñi vaavoitudadami ismaacada ganampaidi dai siaa duutudai Diuusi. Aapima amo siilagama ganducami acovai gnvuvaidacai Diuusi dai aana sallyicada ganoigadai. Dai vaascatai ismaacada vaavoitudai Diuusi ñiooquida ismaacada arvaavoi ganoigadai lapa maisiu mosacaasi aana. ² Ganoigadai aatama vaavoitudaitai Diuusi ñiooquida dai tomastuigaco vaavoitudadamu aatama. ³ Calgacara gannajadamu Diuusi garooga lamadu Suusi Cristo Diuusi marada dai agai soiganliadamu aapimacada dai iibastudacan tadacamu ganiibadaga. Gomaasicada vaamioma calga vaavoitudadamu aapima dai aipacoga ganoigadamu.

⁴ Dai sallyicada baigiñalli aana tlagacai lamoco gnaaduñi ismaacada calga lagidi Diuusi ñiooquida poduucai isduucai Diuusi garooga gartajai. ⁵ Dai sivi gandaanli aana aapima giñaaduñi tsai aipacoga garoigadaiña. Gomaasi maitaramo sallyicami utuducami goovai aragai vaa ismaacada viaa aatama aidasi abiaadara glaagacai gamamaatatuldi Suusi Cristo. ⁶ Isoigada aatama Diuusi aida gia ivuaadamu aatama istumaasi Diuusi gatajai. Agai gartajai tsai aipacoga garoigadaiña poduucai isduucai mai aapima aidasi vaavoitu.

⁷ Tami oidi daama oidaga mui mamaatatuldiadami yaatavogami. Agai gaaagidi sai Suusi Cristo maiodami duucai vuusai. Agai gia aryaatavogami daida vuidara vaata Suusi Cristo. ⁸ Gannuucadacavurai aapima taduucai gnvupuiirumagi. Isvaavoituda aapima agai aida gia Diuusi maitanmaaquimu vaasi istumaasi ganmaaqi agai.

⁹ Tomasioora sioora ama maasi gamamaatatuldiadagi istumaasi maitarmaatutuli Suusi Cristo aida gia Diuusi mai lamadu daja agai. Damos sioora calga gamamaatatuldiadagi Suusi Cristo mamaatatuldiaragada aida gia Diuusi lamadu marada lamadu daraaja agai. ¹⁰ Isamo mamaatatuldiadami yaatavogami gandividagi ismaacada pocaitiadagi sai Suusi Cristo maiodami duucai vuusai maitavar dagito ismiaadara calcada agai siaaco ganampaidi aapima tomali maitlaagai maspocaitiadagi sai Diuusi soñana. ¹¹ Isamaadutai pocaitiadagi aida gia ducami ispomaasi ivuaadamudai agai lapa.

¹² Naana maasi gnaagida inñlidi aana damos maisiu oojaicada baiyoma ipalidi aana ismalca gandividagi dai gnaatagidagi dai poduucai baigraliadamu aatama.

¹³ Garaaduñi vaavoitudadami ismaacada tami oidaga ismaacada Diuusi acovai vuvaitu Diuscada gamviaatuldi.

Mosacaasi.